



Obrazovni centar za demokratiju i ljudska prava "CIVITAS"
Adresa: Džemala Bijedića 42, 71 000 Sarajevo, Bosna i Hercegovina
Tel./Fax: + 387 33 261 415/416
www.civitas.ba

NuM2018 Festival muzejske pedagogije
Osnovne škole – učesnici projekta

Broj protokola: I-1895/18

Sarajevo, 04.04.2018.

Predmet: NuM2018 Sarajevo: Program za osnovne škole – potvrda učešća

Poštovani,

Zadovoljstvo nam je potvrditi da je vaša prijava za učešće u festivalskom programu muzejske pedagogije NuM2018 prihvaćena. Program u kojem ćete učestvovati organizuje Obrazovni centar za demokratiju i ljudska prava CIVITAS u partnerstvu sa Uredom za odnose s javnošću Ambasade Sjedinjenih Američkih Država u BiH za 550 učenika osnovnih i srednjih škola u našoj državi.

Domaćin programa je Zemaljski muzej Bosne i Hercegovine, a radionice za učenike osnovnih škola održat će se u noći 12.-13. aprila 2018.

U Sarajevo dolazite organiziranim prevozom. Polazak je ispred vaše škole ili na gradskoj autobuskoj stanici, ovisno o tome da li škola ima parking prostor ili neko drugo mjesto na kojem se autobus može zaustaviti i preuzeti putnike. Mjesto i vrijeme polaska predložit će prevoznik vanlinijskog prevoza kojeg će angažovati organizator, a CIVITAS će odgovornog nastavnika obavijestiti o svim detaljima prevoza, te mu/joj dati ime i kontakt telefon vozača.

Dolazak u Sarajevo planiran je u četvrtak, 12.04.2018. do 18:00 sati. Autobus vas dovozi do Zemaljskog muzeja BiH gdje će vas čekati užina, radni materijali i kratko vrijeme za odmor i razgledanje Muzeja.

U 19:00 sati planirano je svečano otvaranje uz prigodan muzički program. Nakon toga dijelimo se u grupe, a svaka grupa ide u jednu od istraživačkih laboratorija. Kroz četiri rotacije tokom noći učenici će imati priliku da učestvuju u različitim radionicama i istraživačkim laboratorijama arheologije, ornitologije, etnologije, preparacije, konzervacije, permakulture i kloniranja bilja. U pauzama između rotacija poslužiti ćemo večeru.

Učenici i nastavnici noć će također provesti u Muzeju, u improviziranim spavaonicima. Molimo učenike i nastavnike da za tu potrebu ponesu vreće za spavanje, četkice za zube i drugu ličnu higijenu, te udobnu i toplu rezervnu odjeću. Ukoliko nemaju vreće za spavanje, učenici će moći zadužiti sportske strunjače na koje mogu postaviti prostirke, deke, jastuke i prekrivače koje će ponijeti sa sobom.

Buđenje i doručak završavaju narednog dana (petak, 13.04.2018.) do 09:00 sati kada počinje zajednička zabavna aktivnost „Potjera za blagom“ kojom završavamo program i opraštamo se od vaših



Obrazovni centar za demokratiju i ljudska prava "CIVITAS"
Adresa: Džemala Bijedića 42, 71 000 Sarajevo, Bosna i Hercegovina
Tel./Fax: + 387 33 261 415/416
www.civitas.ba

ekipa. Povratak kućama je također organiziranim prevozom, a autobusi će vas čekati na parking prostoru ispred Muzeja.

Za više informacija kontaktirajte Ured CIVITAS-a e-mailom na adresu info@civitas.ba ili pozivom na brojeve telefona 033 261 415/416.

Do skorog viđenja,
u ime CIVITAS tima i partnera projekta srdačno vas pozdravljam


Ivana Kešić,
Programa manager
Obrazovni centar za demokratiju i ljudska prava CIVITAS

